

Specijalna istraga u Bugojnu

Viši zamjenik Visokog predstavnika, gospodin Hanns Schumacher, je u pratnji tri federalna Ombudsmena u četvrtak posjetio Bugojno, gdje se susreo sa načelnikom općine, gospodinom Dževadom Mlačom, i predsjednikom Općinskog vijeća Bugojno, gospodinom Ivom Mršom.

Ambasador i Ombudsmeni su lokalnim dužnosnicima predstavili dva predstavnika iz Ureda federalnih Ombudsmena i jednog predstavnika OSCE-a koji će vršiti specijalnu istragu u vezi sa navodnom neregularnom dodjelom imovine u društvenom vlasništvu u Bugojnu, kao i nepravilnostima u implementaciji imovinskih zakona Federacije. Ambasador Schumacher je konstatirao da navodi o neregularnoj dodjeli imovine u društvenom vlasništvu nisu karakteristični samo za Bugojno. On je, međutim, naglasio da je, prema nedavnom izvještaju ICG-a o politici povratka u Bugojnu i Jajcu, dosadašnji rad općinskog ureda za stambena pitanja u Bugojnu među najgorim u Federaciji. Oba ova pitanja su predmet ozbiljne zabrinutosti u mnogim općinama kako Federacije tako i Republike Srpske. Bugojno nije poseban slučaj, ali rezultati ove istrage mogu poslužiti kao model za slične istrage u drugim općinama.

Ambasador Schumacher je podsjetio predstavnike vlasti u Bugojnu na njihove obaveze prema Ustavu Federacije u smislu pune saradnje sa federalnim Ombudsmenima i dodao da on načelnika općine smatra lično odgovornim za osiguranje bezbjednosti istražnog tima.

Načelnik općine, gospodin Mlačo, je izrazio dobrodošlicu ovom timu i istakao da će oni imati punu saradnju od strane vlasti u Bugojnu. Ambasador Schumacher će po zavšetku istrage posjetiti Bugojno u cilju razgovora o provedbi preporuka federalnih Ombudsmena.